

裴文達公詩集

裴文達公詩集卷之八

肅州黃相國行臺卽席有作

使相鈞衡大將旗西來賓閣喜追隨談深席上杯行數
坐久窗間日過遲任事肩無旁卸處安邊功是已成時
天兵討叛非勤遠此意須教萬姓知

丁丑元旦試筆

萬里口傳

天語到三邊人戴

聖恩同層冰不敢欺春色大地昭然顯化工破暗一鐙
爲至寶凌寒勻酒有奇功年年染翰摛毫手乍喜金鞭

控鐵驄

巴里坤軍營進勦沙克都爾曼濟俘其妻子詩呈

在事諸公

雪山夜半馬銜枚頃刻收功亦快哉白骨作堆京觀出
紅顏成土闢支來笑談每陋和戎策叱咤方推制勝材
勉矣他年青史在好將名字列雲臺

巴里坤上元小集

尋常燈月交輝夜雪擁嚴城又一時碧落萬重尊上界
白雲千頃接西池到來始覺寰中大此夕真探象外奇
慷慨相期對卮酒更無人動故園思

南山口大雪

朔風吹雪勢初狂使客經過古戰場瀚海黏天沙浙瀝
陰山橫塞石蒼涼計擒元濟裴中令勇奪崑崙狄武襄
見說古今人不遠後來誰繼勒旂常

格子烟墩

南山遙對北山斜土煙氳廬共幾家磧外拾薪朝作餅
巖邊斫雪夜熬茶四時杳杳無青草百里茫茫但白沙
晴日忽臨增驟暖一般春色到天涯

聞北路大兵擒青滾雜卜而巴里坤所遣偏師至
木壘及魯古慶皆屢有捷音詩以紀事

軍中連日捷書頻天道何嘗貸惡人殘寇無多應破膽
窮荒從此盡歸仁將軍嚴令驅風雨

帷幄成謀懾鬼神奉使小臣中夜起一詩題就喜尤真
至嘉峪關聞兆將軍殺賊數千歸駐烏魯木齊喜

而有作

一騎盤雲送捷來全師歸駐古輪臺突圍已覆梟巢出
轉戰仍探虎穴廻決勝早欽

神算定披函遙識

笑顏開輶車徙倚巖關下喜極慚非勒石材

荆卿臺

屠狗居然慕隱流偶因感激借前籌
挺脣未把秦王袖掉舌先摧壯士頭
君計原非萬全策燕人聊快一時仇
蕭蕭易水寒風起早識當時志不酬

靜明園花神廟題碑

靜明園居玉泉麓濺玉飛珠繞其足愛茲清淨崇梵脩
特傍垣東啓新築樸素不須丹護爲因高疊石阜作池
就中佳卉列萬種天然好景呈四時平田檻外鱗鱗置
麥浪秧針細如績

聖朝民事最所欽仙居宛有農家致龍之爲靈何昭昭
五風十雨節序調二十四候花有信誰其主者星旛高

驅除螟孽育嘉穮元氣滲灑培青苗維山有神敬用饗
興雲出霧憑岩堯老人扶杖司土穀龐眉彷彿來青袍
同堂合祀神其佑迎神送神歌以侑庶彙蕃昌爭向榮
康功歲接田功奏時和歲美物物春一草一木皆
皇仁西清載筆紀斯美照耀山水垂貞珉

題桑峩甫五岳集

去年持節西域行道邊恒華相逢迎恩恩日馳三百里
那復酬對勞山靈今年奉使出齊魯岱宗天半空崕崙
中州中岳亦咫尺烟雲寂寂巖晝局平生五岳入夢寐
輸蹄到處聊延停其如可望不可即直等海上三山橫

向禽一語躬未踐史冊已自垂高名豈知遙遙數千載
有人誓不渝前盟藉彼嶽嶥磊落之面目睇我高寒岑
輩之性情客中投示紀遊作五岳一足所經芒屨幾
綱婚嫁畢快哉有志事竟成學山至山果若此我今相
士不敢輕手君詩卷待明發回首猶望崧山青

至德州知近得大雪遠近霑足喜而有作

一冬望雪願難酬入歲雖霪澑未周見說東邦盈尺厚
便思南畝十分收茆簷大有嬉娛象野水都歸自在流
時運河各工已竣持節使臣忻覩此不然何以解

宸憂

登舍波樓

北極星辰勢竝高
危樓提筆句爭豪
登臨目可窮千里
咳唾聲還落九皋
獨立蒼茫憑地勝
不煩供億恐人勞
鑾輿到處春如海
麥浪胥翻萬頃濤

濟城春望

春望高憑百尺樓
曉陰籠野綠莎柔
城隅山勢遠猶拱
天半雲容輕自流
海右清塵勞

駐輦

聖人深意寓操舟

用治國如
操舟語

宸遊不比閒登眺
爲問吾民樂與憂

歷下亭

紅塵飛不到搖漾水光間得意魚知樂忘機鳥愛閒高
亭千古在遠岸一痕彎

仗外都無禁行人任往還

葉葉垂楊柳東風爲作波水光搖不定春意占偏多花
氣濃薰麝雲層細染螺

豫游當暇日鼓枻一經過

畫意山千疊文心水一泓樵風如劍曲漁唱儼吳聲泉
引珠光碎湖開鏡面平東人齊望幸藉以奉

皇情

方宜田制府六十得子自紀以詩用元韻寄之

善人欣有後到處語如郵嘉種定垂實良苗真遇秋試
啼驚賀客取印兆封侯六十未爲老公今仍黑頭

自識荊州面相於歲月深詞科慚竝席

乾隆元年以鴻詞名試余

于公爲同舉人舍喜論心奇氣試雄劍清襟憑素琴允孚霖

雨望所至有棠陰

兩浙兼三輔崇勳著

聖書歌思傳父老惠澤逮窮閭朝列公孤望家聲闕閑
餘後先看繼起老眼尚溪余

宴行宮日傳來好語紛都人誇盛事遠道快先聞

余時奉使

在外繡褓齊珍重蘭湯幾沐熏父書堪付與藝圃待勤耘

長清道中寒甚漫成三絕句

怪底尖風逐馬鞍問人言是雪餘寒仰瞻密密雲陰重
一雪遙知占地寬

雪宜春麥及茲時卻爲寒多有怨咨此意天公應不怪
小民從古歎如斯

況是春遲值閏年且休誇說豔陽天但令二麥青青出
楊柳何妨竟不妍

夜行長清道中

馬力凌兢石磴斜雲陰雪意況交加市燈光泛朧朧月
巷柝聲傳閣閣蛙亂石閉門前代寺雙橋界水野人家
夜來清景難忘處他日還應向客誇

羊叔子祠

峴山寧與吾儕事千載因之墮淚頻故里況今留勝蹟
殘碑猶自照青春生當滅蜀平吳日功寄輕裘緩帶身
名士風流定誰比後來裙屐彼何人

自笑

自笑吾生大不羈偏於馬上興能奇鞭絲帽影年年客
水驛山程日日詩過寺便尋曾到處逢人都記昔來時

十年面目何曾異只訝新添雪滿鬚

半城野宿

野店安牀地兩弓閉門終夕打窗風夢回恍憶空江上
身在扁舟一葉中

沂水道中

鱗鱗沙水凍全融兀兀肩輿略苟通官碣苦深迷篆刻
成垣粉脫亂青紅雲陰未作千畦雨月暈偏吹四野風
悵望玉門關外客計程應已返回中

新春宿州書事

纔解征帆又整鞍行程擾擾漫多端略無計畫酬

明主時以盤餐累長官雞犬荒城增氣象龍蛇大壑息
波瀾麥田高下茸茸綠漸覺春來客抱寬

督視水利和春皋觀察韻

一番游歷事關身轉覺從前到未眞某水某山重問訊
最忙人是最閒人

六月炎蒸臘月寒故人書至勸加餐譬如長作漁翁老
日日河頭手一竿

橫斜水接短長亭細草輕莎已帶青荆楚歲時元不改
間晴占雨紫姑靈

河堙工作趁春晴派別支分指畫明千里江東歸海路

還他黃濁與淮清

客中佳節漫悠悠一歲從頭一歲休分寸光陰皆可惜
願渠爲我稍延留

宋都四面皆平野直到符離始見山千古河流無定所
此山不改舊時顏

談河遠莫溯崑崙且自龍門暨海門瓠子宣防歌罷後
此中利害可勝言

爆竹紛飛紙滿階春風蝴蝶撲人懷燈宵已過清明近
漸覺荒城氣象佳

一年生計算須長好語三農力作忙但使河成秋麥熟

等閒無事到公堂

信由人事信由天細數凶豐意惘然計日灘河風景換
試來橋下看游湊

朝來海上指祥雲非霧非烟五色曛億萬金錢散中野
人人頂戴

聖明君

長官努力挑河了我亦歸舟任好風上考他年書第一
知公名在

御屏中

和春皋觀察清波草堂落成元韻

閒園十笏初成構，佇月延風敞四楹。
好樹栽培新蕊出，舊池疏剔細泉生。
繩牀棐几偶然設，茗椀香鑪相與清。
到底是仙還是吏，觀魚蒙叟有同情。

題尹元長制府不繫舟圖

招屋小於舟點筆自成記羅花與藝石稍稍及題誌公本澹宕人觀物貴得意匹如樂天者駁駁在微醉蒙莊工窩言天地亦偶寄至人無我見斯理或非異尚虞秀句多傳抄役羣吏更爲公置解忘言外文字

疊韻復題

平泉與午橋率入名園記俗情益貪著金石苦鐫誌詎

知磊落曾當境
蓄深意危詞感民物
兼欲醒衆醉靜觀
一室間隱有蒼生
寄繫由不繫轉兩諦孰同異嘯咏任
賓徒歌呼隨廝吏
隘哉司馬公廻榜獨樂字

同劉延清冢宰登雲龍山用東坡先生黃鶴樓韻
二首

雨後看山態更殊
偶然聯步出城隅
道旁萬木分碁局
天際孤亭入畫圖
五月清風生杖履
兩年客夢繞江湖
雲烟到眼皆陳跡
此段閒情未可無

望古茫茫世代殊
一杯清茗坐庭隅
鶴飛有客思高士
雖逝何人弔霸圖
三面河流長抱郭
四山雲氣遠侵湖

蘇公醉筆題詩處石壁苔痕半有無

和望山制府韻

禁旅猶傳跨繡鞍凝然風度九霄端輿情久繫東西節
帝命兼綜內外官麥秀登場歌喜雨桃花過汎報安瀾
知公爲

國籌民切此日憂思幸稍寬

彭城幾日憩吟鞍險韻紛投又發端脫帽雄豪誰信老
解衣盤礴欲忘官彩箋潤灑霏霏露墨沼香生細細瀾
河事告成農事稔近來興與酒盃寬

彭城工次奉典試之

李文忠公詩集
卷之三
命寄尹元長制府

昭代于今見偉人
江南江北坐生春
早從先世知名姓
每向公餘接笑嚙
論以參差惟道合
跡緣疎略轉心親
河干兩載追隨地
指點圖經墨尙新

沿江一舸繫心旌
望歲防河日日情
鴻雁影空秋稼稔
魚龍氣靜濁流平
我慚舊業荒蕪久
公喜新詩爛漫成
棘院閒時先快意
棲霞山翠近相迎

入闈和錢湘蓴掌科韻

文昌朗朗近三台
紫緯昭回試院開

錫宴榮明花壓帽

謝

恩禮畢酒盈杯虛名久愧探驪手老眼曾登市駿臺江
左人文甲天下持衡何幸兩番來

官燭分行照眼紅夜來光氣起長虹地當楚水吳山際
人在潘江陸海中不惜連城收美玉莫教眾響亂孤桐
黃門舊是同心侶秋月當空鑒此衷

南闡雜詠用錢湘尊韻

此番共事亦前緣古寺論文記日邊果爾承

恩符我語恰傳佳話到他年

同湘尊監耀於城南
鎮國寺時論文甚合

江南江北數題詩我似三生舊牧之若道酒旗歌板地
病夫禪遯已多時

秋風簾幕夜堂深
滿案丹鉛意不禁
老向文場欣見獵
飛揚偏動少年心

筆花狼籍墨痕殘
況味依然坐一寒
忽到賞心難釋手
幾回拋卻復尋看

濃比春紅萬卉迷澹如秋水浸玻璃
文章花樣翻新出
物理由來不可齊

此時萬念等閒空閑者心隨作者同
猶恐精微搜不到
敢將鹵莽說虛公

一空軋苗溯歐陽畢竟斯文賴主張
明月照人渾不寐
炯然虛白夜生光

榜上行行燦列星傳來齒頰亦芳馨只愁數到孫山外
別有遺珠眼未經

當年一第荷

君恩舊業拋荒久未溫藉有新篇能啓我漫言衣鉢在
師門

此日何人得意偏偶然策足許爭先敬維宴樂嘉賓義
四座無謳近禮筵

高宴黃堂霽景開又看一輩出英才

朝廷袞職需賢切座待羣公鼎鼎來

江左文章世所宗六朝金粉特纖穠只今淨洗鉛華色

笑指江頭一一峰

錢湘尊黃門途中有詩見懷卽訂醉翁亭之約旣至滁因用其韻

河干前日蒲帆曉懷人欲賦王孫草南滁今日客舍閒笑指瑯琊入雲杪人生聚散不可期果遂茲遊意非杳醉翁亭記坡仙書山靈呵謾烟雲繞五百年來我輩游遺踪一一供尋討懷古空嗟廢碣存看山那惜芳樽倒當時四十已稱翁況我星星頭白早此山此水何處無太息塵緣遂難了

同湘尊遊醉翁亭

迤邐南澠路巖扉曉不局昔賢空異代遺像儼孤亭直道未應泯斯文如有靈

一詩堪萬古

天藻煥丹青

寺僧戴歐陽公遺像爲宋人真蹟有李端叔冕悅之題贊乾隆壬申余典試江南攜

以進

星蒙

御題詩

於頤首仍歸寺僧藏之

好峰千笏立流水一弓彎游賞得仙侶風塵慚旅顏片時停使節八載別名山去去復延佇他年倘重攀

歐梅用湘萼韻

山中萬木如銅青逢秋皆作聲泠泠琪花瑤草羅前庭松根流液堪延齡摩挲直到老梅樹先春亦有冰花吐

銀龍天矯見枝騰翠鳳繆纏驚葉舞不與凡卉同時妍
霜欺雪壓愈粲然照以山頭之明月吹以澗底之清烟
翁之手植翁所有翁今何處梅應朽梅今不朽意若何
我來仍醉歐公酒

和錢湘草黃門同遊攝山元韻並呈元長制府
淨剔泥沙撥草萊雲中面目趁人來奇峰突兀誇新獲
惡木刪除具別裁某壑某邱心自領一觴一詠客多才
笑從疊浪巖前過不似山隈似水隈

磯頭流水待垂綸洞裏幽苔履跡眞金粉圖成空六代
劫灰剩後已千春烟霞直躡神仙窟簪絞都忘簿領身

況是

天毫題壁處澗花巖草鎮長新

一亭如笠絕探躋側嶺橫峰咫尺迷獨樹搖烟撐別島
濕雲拖雨過前溪危巔得路妨吹帽仄磴攀藤當曳藜
遠望忽驚鄉思動滔滔心溯大江西

晚穿蘿徑歎柴關佛火相依喜共聞明日新詩傳白下
一時佳話付青山秋生石骨寒泉出月上峰尖宿霧刪
有待

翠華重幸日扈行倘許再尋攀

讀邵刺史潘明府西湖聯句次韻

涼宵燈火靜虛堂
墨燉銀鉤紙砑光
偶向壁端閒覓句
知曾湖上醉飛觴
停車已落歐蘇後
懷古空聞姓字香
二麥登場河事畢
此番吾欲息愁腸

濟江用錢嶼沙黃門葛城值雨韻

黑雲如陣壓城隈
積雨連江黯不開
虎踞龍蟠增氣象
濤頭千尺駕山來

清秋八月乍寒時
畫裏江城正待詩
便趁輕舟如燕子
掠波斜去影差池

白下青門古渡頭
年年練影漾寒流
佳山水處須佳客
領取江南兩岸秋

雨夜

人言風雨蕭蕭夜孤客無聊是此時誰識道人清絕處
長檠三尺正哦詩

寒甚分韻得春字

潞水鱗鱗凍合新一風三日夜連晨對枰瑟縮棋初罷
拂紙欹斜字未真歲底光陰愁易老坐中談笑喜生春
敵寒賴有盈樽酒念爾河邊荷鋸人時方有挑河之役

潞河待雪分韻得雪字

同雲黯黯如墨色擁鑪枯坐百務歇酒杯在手意不歡
客來謂我天應雪去年侍直

乾清宮雪壓闌干大千席明晨京兆賀豐年千里甘膏
深一尺今日潞河秋稼登農閒爰有挑河役大風作勢
弄早寒坐待瓊霽兆三白南窗一榻眄庭柯遙途飛鴻
望中沒聚星堂前老詩伯禁體詩成繼清絕

曝日同汪康古阮吾山蔣辛仲作

畏寒知我老坐喜就前軒不用簾垂地欣看日到門醇
醪相慰藉軟語共溫存一樣情親切陽和是處恩

得田退齋少宰來問卻寄

歸雲帖帖影悠悠鳥憶林深亦暫投絃上春風辭楚調
匣中秋水斂吳鉤

君恩尚許成高枕遠夢應知獨倚樓荏苒年華久離別
一函珍重細緘愁

裘文達公詩集卷之八終

裴文達公詩集卷之九

癸未元旦試筆

街鼓聲酣爆竹喧江城風景尙依然比鄰互餽傳生酒稚子欣穿壓歲錢白髮老人初病起青山新隴尚情牽卅年竊祿曾何補出處於今兩念懸

繡毬花

獅子來絕域蹴踘開廣場天孫顧之笑組織勞七襄熠熠騰星芒團團飛月光皎皎射斗北燦燦成文章春風三月暮錦幄紛高張淺深各有態小大儼有行珊珊聞雜佩奕奕垂明璫瑣碎簾瓔珞葳蕤間流黃我欲贈君

子移置白玉堂扶頭一杯酒酬爾何揚揚

牡丹

萬卉鬪芳妍富貴乃獨占世人愛嘉名而我賞繁艷譬如開長筵珍錯得飫饜又如登文壇燕許富點染蔬筍林下風果腹味終欠郊島雖苦吟寒瘦寧非歎此花殿春風五色光燭燭羣芳斂色避花王亦非僭持以獻天庭奇藻行可掞

阿中丞惠藕粉新茶寄謝

截得仙人玉井蓮細調珠露灑瑤泉不須更說清涼散一啜能教俗慮捐

雙井新芽物外風甌甌分乳地鑪紅惹人清夢孤山畔
未覺黃塵旅舍中

用張致先見示元韻卻寄

雪花飛盡作春泥節序寒暄靜可稽香鴨氣和繁寶篆
硯蟾冰釋動輕澌漸於鄉里人情熟未覺山林徑路迷
高士況今無恙在擘牋時得戲分題

和錢東麓少司農見懷元韻

老去萬念息虛跡畱文場自笑貧家女鑿壁蒙餘光接
席龍尾硯視草雞舌香入磚看日景

采殿周廻廊有時隨屬車馳道泥鋪黃

尙方日有

賜珍果竝得嘗麻衣一朝出坐臥松楸旁故人遠有贈
攬之心默傷

奉

詔令赴

闕河流湯湯聲我非舟楫材櫟籠隨參苓潘斯一以往
俯仰成千齡忽有捕蝗役聚首如平生人生在一世飄
若風中萍離合不可常往夢徒勞計策眞荷良規此語

離舉似

來詩有崇養
以葆真之語

王白齋侍郎五十壽

徽省鸞坡早識名黑頭公見到公卿人生百歲平分處
剛是天衢一半程

岳峙朝端不老身長松落落想精神一雙鶴立佳公子
階下翩翩迥出塵

庭樹先占富貴花海棠嬌姪醉丹砂紅圍翠繞聯翩影
珍重烏衣第一家

吉日寧煩折簡呼清風灑座暑全驅爲攜五色丹青筆

寫作君家獻壽圖

錢茶山司寇爲李欽齋制府臨石田長卷屬題

前朝畫筆重文沈雄豪最許白石翁邇來傑作錢與董

世人以比此兩公東山直接文待詔茶山與沈將母同示我此卷臨白石先有五岳蟠曾中淋漓墨瀋起雲氣健筆兼挾雨與風細尋徑路復貽愕點染毫髮皆稱工吁嗟此境渺何許軟紅十丈何由逢卷付驛使送幕府大庾嶺外滄溟東江山筆力兩增勝樓頭坐嘯吞長虹
被

名經理畿輔河務敬用先祖竹齋公題壁元韻

松阡三尺土初乾老屋經營未卽安優渥

綸言唯負媿馳驅臣職敢辭難頑孫挽轡憐渠小慈母縫衣慮我寒

恩許故鄉乘傳發里人爭擁道旁看

途次再用前韻

郊原雨過馬蹄乾
敢向清時乞便安
閱世漸深臨事懼
空言何補信心難
客程近遠山兼水
天氣陰晴暖復寒
最是江南好風景
麥田秧隴耐人看

霸州使院再用前韻

筋力差強內已乾
此身勞處意粗安
閒疑世味嘗皆幻
老覺鄉思遠倍難
碁局旁觀評勝負
衣囊親檢度暄寒
肩輿日日紅塵裏
應有高人冷眼看

寄方問亭大府再用前韻

河流幾派溯桑乾歲歲金隄冀小安北際南垂勞指點
高原下隰憶艱難關心伏雨能爲患轉眼清風又戒寒
何以仰酬

仁主意監門不待繪圖看

抵家後雪半夜再用前韻

鑪火烘燈展齒乾閉門高臥媿袁安詩緣興好揮毫捷
棋爲機深下子難入畫清山微著色向人紅蕊故禁寒
四郊早有豐年兆直待春回馬上看

高立齋侍御過訪再用前韻

佳客臨門鵠噪乾苜遊回首話長安先公舊德今如在

兩世交情忘總難，坐久不期窗月上。
談深每詫酒杯寒，向來經世頻相許。
奏草攜來翦燭看。

舟次再用前韻

江畔分帆夜雨乾，客懷惟有祝平安。
長祈堂上精神健，未覺人間道路難。
一水彎環穿石細，萬山蒼翠插天寒。
八閩物色由來古，得向晴窗卷幔看。

衢州道中再用前韻

水足溝塍石徑乾，禾清麥秀物情安。
平占落日收還未遙，指前山度不難。
天氣向南應漸暖，春光欲暮尙餘寒。
長亭短驛知多少，兀兀肩輿細數看。

子陵釣臺再用前韻

瓦震昆陽戰血乾依然司隸入長安攀鱗附翼從遊衆
輔義懷仁獨臥難偏是故人甘寂寞至今遺像儼高寒
淮陰亦有垂綸處不與嚴灘一例看

仙霞嶺再用前韻

戊樓曉旆露初乾一徑紆盤客意安壁壘久忘當日險
功名仰愧昔人難李文襄公
取賊於此青連翠鳳排林起白走銀
龍瀉澗寒形勢東南分控帶眼中甌越下方看

七夕再用前韻

簾影飄蕭蠟淚乾墨牀筆格座隅安愁中得句吟猶嬾

客裏驚秋臥欲難
火酒泛杯雲母薄
冰爪出井水晶寒
坐深月落參橫後
銀漢迢迢笑獨看

自福州將赴泉州途次和舒伯容司寇韻

水繞南臺一逕開
鼓山浮翠尙徘徊
行行勝境偏相值
不爲尋山問水來

清和節候未嫌遲
丹荔如丸已綴枝
一啖會須三百顆
老饕猶記大蘇詩

圉呼郎罷自山家格
蹀鞠笑語譁素足如霜
誰氏女小門臨水掩籬笆

海戶生涯操兩槳
不須辛苦事西疇
偶然卻避風濤險

種得蠶田慶有收

連舟接騎禮無苛入境程期十日過釐剔無方心耿耿
侍公良劑起予疴

閩中作和伯容司寇韻

直從海上望層城縹緲公應感宦情南國迎眸農事稔
西戎廻首戰塵清此身老矣

君恩重相對蕭然病骨輕羸得虛堂消永日一杯香茗
話前楹

送宗丞儲梅夫同年歸里

同年落落如晨星君今復向凌晨別人生聚散不可常

令我感慨填胷。當時蘭譜三百人，卅年轉瞬真一吹。
相看我亦成老翁。君竟乞身何勇決，憶君年少初第時。
儒雅恂恂口如呐。及君擢登御史臺，白簡騰霜殊激烈。
君時劾一學使，後來諤謗論朝儀。

君議宗人府儀

注蒙

俞允辟易

最干物議者，千人氣爲奪。始知遇合非偶然。

主聖方看著臣節，卽今一舸渡江歸。

恩榮好向田間說，臨歧且弗苦恩恩。秋漲初平帆似席，
到家若見老詩翁。爲寄殷勤問眠食

謂歸恩老人

新秋雨後同桂林陳相國王白齋少宰集飲獨往

園

長安冠蓋地日出百事興退食嘗少暇炎暑況鬱蒸新
秋一雨過天氣如波澄主人敬語客及此閒可乘聯翩
數同志有似解夏僧名園何必遠虛堂曠無蠅垣衣繡
篆籀石髮垂朋簪餘地纔半畝小閣清宜登攀援得老
樹旁崩凡幾層西山不隔面相對闌干凭螺髻儼新沐
直擬喚欲磨擾擾軟紅裏此境得未曾清觴一再舉斟
酌量所勝談笑亦間發形跡忘拘繩有時豎妙義一一
堪銘膺山公未酩酊鑒臺中冰子晉最瀟灑一鶴風
前騰主人老詩伯韻語頗相徵早衰我心媿意氣強自
增思澁筆力退歲月去莫憑詩壇殊瑟縮酒壘難誇矜

主盟比曹檜爭長避薛滕眼前有好句欲寫還不能追
迢清飈扇爛炯缺月升微涼襲襟袂四望烟光凝肩輿
歸兀兀沿市初籠燈惜此嘉宴會勝地兼良朋題詩記
月日欹斜付溪藤他時更展玩老眼知益嘗平生五岳
願何山裏行縢

重九日同人小集分韻得景字

佳節數重陽金風颯以冷潞河下南艘秋旭明西嶺官
舍如蕭齋虛堂挹清景未遑共題讌偶爾擬說餅乘此
公事閒居然俗慮屏同人不待邀健筆各思逞酒美倒
瓶罌魚肥問筭箸忽憶雁塔游有客欣脫穎明日揭曉

夢文選卷之二
和尹望山相國韻

斑駢居然自一家愛他整整復斜斜奇文難得知非偶
昨夜先占燭有花

科名屬指壓陳新榜上標題數出身袞袞流年吾亦老
瓊林還趁看花人

家世輩平夙有期早看

天語頌維祺而今都下傳佳話又是牟尼抱送時

公八
秉節

錢未與文字之役茲初領試事
上以新婦得子調之

此道知公用力深飽諳甘苦閱浮沉卽今佳士欣相遇
不枉求賢爲

國心

閱卷至夜分不寐仍用前韻

經房區別各爲家朱碧紛耘字半斜鑑下況經迷五色
摩挲猶是眩生花

文章花樣逐番新誦讀都誇富等身畢竟他年公論在
力追正始屬何人

郊寒島瘦忽相期壽世還如享大祺炳炳麟麟千載筆
國華爭出

聖明時

鶴入層雲寄望深當時我亦歎魚沉幾年見獵情猶喜

白首難忘少日心

晚步

簷前一曲窮而深每到斜陽步屧臨草色傍階青山土
樹枝垂戶綠園林風收猛勢喧聲靜雲作輕陰夜景沉
誰識紛紅朱墨罷量晴占雨晚來心

闌中燈下呈相國絢春主人疊前韻

門外青袍屬望深姓名幾日榜頭臨要知至寶原無價
但是奇才定出林公論後來評得失佳文從古易浮沈
起看窗月清如水應識先生此際心

初六日恭接進

呈試卷書事仍用前韻

座上春風一月深文場壁壘得憑臨初疑剖石難尋玉漸喜看花忽滿林黃卷久知寒士苦朱絃未覺古音沉大江南北人文藪拂拭重勞上相心

南封來自五雲深翹首

天顏咫尺臨多士一番蒙

雨露異材幾輩出山林青霄健翮排初起碧海長鯨掣未沉我已荒疎慚報

國切磋端賴有知心

監試劉乙齋侍御爲言十月爲太翁德寧先生誕

辰行年七十有五矣欲陳情而格於成例爲作
此詩卽以寄祝仍用望山相國韻

香國名流屬舊家白雲廻首指裏斜海棠見說春如海
庭樹風排次第花

先生舊里爲海棠香國

長公都下訂交新獄立朝端早致身今日聚奎堂上會
論文同是過來人

綵服趨庭待卜期八千椿爲祝延祺似聞杖履飄然處
強健還如少壯時

莫爲烏私繫念深幾曾魚雁附書沉頻來手蹟勤敦勉
報

國惟堅一寸心

襄文達公詩集卷之九終

襄文達公詩集

卷之九

士

襄文達公詩集卷之上

題觀察陳定齋讀易圖

三易遞爲嬗四聖宏其義上下六爻中天時達人肆淵深未始有廣大悉茲備玩辭而玩占所貴通厥意善遷過則改忿懲欲可窒損益兩象辭終身行未旣得數或遺理言動失擬議何異秦人愚徒知供卜筮先生希夷胄絕學抽經笥橫斥九師說力探十翼秘以之淑乃躬持此出而仕平生得力處一一存默識卓爾大節存穆然長者思吉凶與悔吝理在安足計我聞公之風警歎剝傾企猶憶古任城扁舟爲公繫初晤公子濟寧官舍後來欽令

子先時識難弟故園欣班荆

令弟觀察江右
予時以暇旋里

同官快把

予攝倉場時掌科奉

命巡視通漕

每望黔山雲正學標一轍河山

隔迢遞溯源此空寄云何典型亡語及輒揮涕披圖珍

遺容丹青儼相示湘簾敞松軒鬚眉載道氣茗椀香鑄

清妥帖几端置一編太極圖紳繹得至味傳宗程伊川

注揭王輔嗣箋言存青箱守之無廢墜何人傳儒林想

像見盍眸

同高立齋少司農有勘河之役至安東值淡懷制

府六十初度清江楊公湛亭李公偕諸觀察渡

河未會置酒客舍讀楊公所贈詩愛而和之卽

以爲壽

盍簪人集古江城燭底新聲唱曉鶯棣萼分輝寧待約
芝蘭投契不須盟馳驅竟日疑無暇邂逅良辰幸有名
公進一卮余起舞鶴南飛去海天清

南顧殷懷眷此民追隨猶憶大江濱遺黎煦嫗資羣力
四序調和仰大鈞廻首十年人未老迎眸千里物皆春
宣風布德公能任婦孺咸知感

聖仁

訓俗惟知禮作防六朝舊樣改圓方綺羅逞裙釵豔
金粉休矜齒頰芳淮海連塍湛宿麥青齊接壤藝高梁

支流——通閩閩估客帆聯遠近檣

道左兒童解祝釐行臺每爲減旌麾霏霏玉屑呈祥候
灤灤霞槳介壽時是日恰瑞雪大地福星欣照耀前身古佛
費脩持三江已慰蒼生望閩惠仍看次第施

和李湛亭六十自警元韻

握手相看一笑中慚余已是白頭翁問知歲景三秋稔
目擊河流萬派通九野於今歌樂土羣黎何以答

簪穹

翠華四幸恩如海

手書宣防授鉅公

談深客次暖如春寥寂都忘一水濱白雪吟兼蔬筍氣
朱顏人是偓佺偷關心蓄洩抒長算過眼升沉付夙因
從此令名還壽考好將勳業繼前人

題顧葭鄰乘槎圖

吾者擣李朱碧山範銀爲槎寫張騫當時作歌有數子
竹垞健筆窮躋攀君今寄意在何許圖畫彷彿天河間
烟雨樓頭俯鴛水此境促縮猶塵寰五湖浩浩擅奇勝
何不往泛少伯船不然竟學天隨子浮家泛宅無拘牽
如何遠望探碧落直訪纖女神機邊孤懷森森人莫識
世俗安得窺由綠銀槎近已到天上此人此畫誰當傳

君歸故里有詩伯揮斤八極如飛仙

謂香樹

大司寇試持此卷

索題句往話重說銀槎篇

送畢秋帆觀察陝右

書生習氣未破除妄分中外成軒輊玉堂金馬矜清華
百賦千詩情所寄木天以外官皆粗不向風塵稱俗吏
豈知黃卷青燈中世間何者非吾事平時報

國惟文章一日臨民在康濟

聖人御宇撫八紘一民一物勞位置爲官擇人人稱官
量材寧復拘恒例畢君秀發江南英中舍羣誇紫微麗
前年憲榜第一人三百名中拔其萃殿前從此荷

深知珥筆時時傍丹砌翩然奉

命出隴頭半壁巖疆得專制金微舊塞繞千城佇看峩
冠擁千騎三秦兩蜀古咽喉巴僰番夷交錯地煌煌金
印隨赤符時清直可臥而治詞臣本色未全拋萬古仇
池讀遺記浣花老人有遊踪以今較昔誰榮悴春明廻
首揖諸公臨歧莫灑離亭淚

題陳榕門相國夫人課孫圖

桂林山水所毓鍾曲江相望前後同平生家政獲內助
指圖示我肅起容蕭然淡素御翟茀左右圖史紛簾櫳
地鑪活火燄初發燭花未熾光搖紅孰書問字者孫子

有如侍立春風中維時公方秉節鍼東西宣力矢匪躬
雍容內顧固未暇閨中老友時相從誦聲朗朗夜漏永
課讀不似巾幘風愛之須勞聖所訓含飴詎足明慈衷
公孫嶷然今幾載珥筆趨侍

明光宮魚軒鶴駕已仙去丹青不朽傳禮宗知公展卷
重太息欲藉繪事留芳蹤德門積善餘慶遠此圖未保
垂無窮

送軍至良鄉值雨竟日賦餞大司馬雲南制府將

軍公明瑞

今年入春雨稍遲

九重塵念憂農時頃者演帥失調度

宵衣南顧籌邊陲小臣以茲亦耿耿欲慰

聖意難致詞快哉軍行雨隨至此豈人力能強爲傾都
父老出觀喜洗兵吉兆欣可知將軍前年定西域勳名
炳赫聞四夷入朝親承

廟算出此去萬里揚

天威從騎桓桓一當百自天而下堂堂師彌會么麼早
破膽叢爾豈足煩鞭笞眼中點蒼峙洱海到日壁壘新
旌旗木邦猛密收次第直搗阿瓦秋爲期瘴氣毒霧一
埽淨金沙濺灔涼風吹方今輿圖極海宇彈丸黑子寧

獨遺是間數合入版籍張官置吏付所司誓言瑣瑣笑
王驥江枯石爛畱豐碑伏波已老雄願盼將軍年少蹟
更奇嫖姚立功在朔漠將軍更到天南涯我

朝盛事古未有遠邁前史銘鐘彝功成解甲還

魏闕

凱宴

手賜黃金卮詞臣儻許預未座執筆再賦平蠻詩

得雨書事

雨來不急亦不徐初時密密還疏疏須臾如瀉復如注
琤琮簷溜喫階除自申逮丑迄將曉細數更籌聽亦好

客窗對此清無眠不似前宵舊懷抱清明穀雨次第過

沙沙雖屢惜未多

法宮按候急農事一旬以外當如何

龍潭是日排

仙仗

至尊露禱靈壇上炷香碧縷蒸爲雲雨點隨之作酣暢

聖人舉念通

神明有叩則答在一誠

天心仁愛

皇恩厚賴令感物均生成畿輔地維風化首承流宣化

臣何有道逢田畯召使前女饁男耕紛左右一言欵欵
陳愚衷但當盡力畎畝中

上天降康豈倖獲

鑒觀下土惟至公沃土之民易忘善已連四載歌年豐自癸未至今皆大稔

能使淳龐勿漓散自然珍祐潛消融先時農夫
未憂旱吾

君早爲勞

宵旰風頭雲脚日繫

情問夜殷勤常達旦時時

殷陞切

疇客往往

詩篇形咏歎小民得福何所知惟解豐年飽喫飯

郊外卽事

壓擔榴花照眼明滿街銅盞賣冰聲馬蹄得得橋南路
人在垂楊綠處行

浩蕩郊原笑語聞腰鑣戶戶割黃雲麥田莫道逢時晚
檢點收成尚八分

黍葉芃芃穀葉肥大田晴雨最相宜菜畦瓜壠都分喜
道是今年總及時

小駐初程在近畿南征車騎各分旂雨來似助軍聲壯

鼉鼓逢逢萬弩飛

是夜大雨

臥聞天半瀉滂沱曉看山頭擁碧螺前雨舒徐今雨急
農田一樣奏功多

迤邐城闕去復廻今朝尤喜淨無埃書生款段閒峩筆
媿向貔貅隊裏來

題陳太守淮所藏王石谷臨王叔明山水長卷

世人耳食說荆關黃鶴老人還晚出真山眞水是粉本
邱壑羅胷生蕩潏虞山石谷下筆親心自得之手爲一
此圖摹擬不易爲底用矜誇宋元蹟今人已復作古人
畫裏高風傳彷彿欣觀太息卷付君況是清門百年物

爲靜園題春申江圖五首

咫尺銀河路可通海門一線達長空按圖應有乘槎想
欲借天工萬里風

古戍烽銷貢道寬連檣佔舶櫓聲謳後人欲識昇平意
好向丹青畫冊看

笑君京國苦吟身黃海題詩句簇新

前日見示游黃海詩冊

又寄

鄉心圖畫裏故山招手待歸人

臨流歷歷萬人家艤舍漁村靜不譁丹鳳樓高矗天半
平波如綺照朱霞

島嶼分明儼赤城人言海上足移情連成仙去渺何許

月落參橫潮欲生

偶題

送春風雨日淒淒官閣長閒砌草齊山色上樓迷向背
樹陰分院別東西野花隨意聯叢發幽鳥無名隔葉啼
自笑生涯惟覓句等閒吟就旋安題

襄文達公詩集卷之十終

裴文達公詩集卷之十一

與熊介廬南武姪分詠齋中雜卉分得蘭

春季值清和遙天過涼雨行人憩星輶嘉植來別圃瓦
盆間磁瓶錯落眾芳伍其中幽蘭花拭日快新觀佳人
凌微波佛子出淨土顧影若自矜含馨時一吐旣不當
門闈復免委草莽相對意殷勤位置頗得所鄭夢遠莫
徵楚詞紛可譜短詠復長謠迭唱誰賓主詩成忽沉吟
方寸自擇柱此邦頗不登民食艱粒黍願持惜花心一
問窮簷苦

題畫四絕句

兒童嬉戲笑逢場，決勝爭看赤幟。強七月，幽風傳故事。
冶遊不比鬪雞坊。

春到山中草木靈，綰螺橫黛萬峰青。泉聲細答松聲響。
和作仙人玉珮聽。

白雲封處有仙家，一笠亭亭石壁斜。秋色染將楓葉醉。
隔林遙認絳桃花。

何人避此清涼境，小築居然十畝間。信是紅塵飛不到。
動惟流水靜惟山。

蠟梅山茶二首

連林臥翠萬株柯，霜雪封條草未芽。暮景牽人同嚼蠟。

春光到眼忽看花檀心蘊彩嬌初拆磬口含芳靜不譁
笑向南枝通譜牒非空非色屬誰家

火齊堆盤現寶珠石闌干外曉寒蘇三山迢遞來香象
五色繢紛繪曼殊合與蒼官爲伴侶笑他紅袖太清癯
明年春向今年到預寫東皇稅駕圖

爲陳榕門相國作

鴻鵠摩九天志不在稻梁鷗魚徙南溟尺寸安能量丈
夫身許國懷古心慨慷我公起西粵曲江遙相望歟歷
四十載重寄維封疆前歲膺

內召

帝簡輔佐良家宰統百官黼黻生庥光

君臣道契合遂入政事堂奮身多感激造膝聲琅琅不
比領節時所惠止一方安見三代後不復追虞唐緬惟
都俞盛拜手賡且颺霖雨之所被要使遍八荒日月之
所照幽隱無遁藏丹青密勿地瑣瑣寧足詳我以年家
子得預趨走旁往者數奉教印印秉圭璋使在古人中
展卷思芬芳況當生並世敬佩彌不忘素箋索鄙書承
命未敢當於時值溽暑清風頌揚揚詎肯作諛詞公令
語必莊獻規當如何遠大以相將典謨具經濟雅頌稱

文章漢唐殊卑卑

堯舜方垂裳

爲陳望之觀察題陳迦陵墳詞圖

少年曾檢花間集最愛迦陵絕妙詞今日丹青初識面
瓣香真欲奉吾師

文如徐庾當時體詩是蘇黃一輩賢卻被曉風殘月悽
頭銜甘署柳屯田

百年名輩風流盡髯也疎蒙古丈夫爾日侍香何女史
驚鴻一瞥世間無

卷中詩伯首漁洋諸子飛騰各擅場一事難忘怊悵甚
不將餘瀋貌雲郎

戴笠圖成竝軼偷斷線隨手逐飛塵中郎莫抱無兒恨
世守青紺大有人

乾隆庚申江南謝香組爲余言於廟市買得新城尚
書戴笠圖卽刻入精華錄者也今香組又謝世近十
載矣復不知竟落誰手故末章及之

王介子購得蔡君謨八札見寄復手摹一本并跋
尾記事爲題其後

端明眞跡舊無雙棐几陳來意早降百斛龍文重如許
羨君揮翰力能扛

書盡風雲龍虎變

蘇頌魏公集 中語也

當年碑版照嶙峋

木傳襄書爲當時

時第一仁宗命書

元舅隴西王碑

拈來花月多情句亦是風流旖旎人

魚牋贈答事尋常遠道慇懃每寄將景物不隨人世改

林檜帶榜

謂茶儼新嘗皆札中語也

紙尾何來好古裏典衣購得郤稱豪笑余空有臨摹興

凍手如薑筆未操

題周景垣少司馬奉使安南小照

我愛周夫子魁然挺人望堂堂出岷峨力敵溟渤漲身
依日月邊名在雲霄上持節萬里行臨坎神益王平生
觀海心到此始一暢如山排空來船頭認波浪颶母揚
其威風水不相讓長鯨吁可駭出沒紛異狀向疑古圖

經所記多怪妄百聞不如見入眼此真剝土色立從官
憫顧暗惻愴須臾紅燈來彷彿荷靈覘風定水亦平四
面但空曠旗尾何舒舒出險高帆颺榜師互慰問酌酒
慶無恙古人不我欺忠信果堪仗彼岸凡幾更一島依
列嶂嗣王鞠脰迎拜起儀愜當從容宣

詔書禮成泯卑亢卉服羅林林旌旄雜弓韁

天朝封植恩百世不敢忘頻發致殷勤舊例徵非誑私
覲捧滿籯黃金用爲餉公也叱去之何爲此冗長一物
無所取歸裝輕漾漾無玷圭璧躬匪弭薏苡謗至誠孚
豚魚此意悉能諒遠人驚且媿攀舟各惆悵稽首前致

詞永永矢內嚮還朝見

天子纘述備諮訪琉球新志呈恍若覩蓬闐快哉八月
槎茲遊信云壯遂受

特達知壁立絕倚傍用公明堂前屹峙森巨象用公清
廟中鐘鏞相擊撞丹青垂不朽

皇風仰巍蕩

吳二南中丞雙壽

吾鄉韋公實肇造昌黎大筆瓊琚詞有明文成定反側
功在社稷銘鼎彝我

朝最著漫堂老文采照耀傳來茲相度之後有賢裔嘉

惠澤國憂羣黎數公落落不同世後先相望名俱垂堂
堂吳公出海上手持龍節江之湄維時積雨漲溢口濱
湖千里成渺瀉高原禾黍盡成熟維此下隰羣嗟詰公
聞露章奏

天子急賑緩貸

恩兼施奉宣

上德破成例吏役奔走弗敢欺肩輿每出問疾苦要令
一物母或遺其秋轉歉爲大稔茆簷婦子咸熙熙隄防
復作來歲計審視原委區高卑以其餘力及溝洫環城
如帶穿清漪知公平生少嗜好勤民一念常堅持夫人

賢足相夫子雞鳴戒旦時相隨躋堂我欲介公酒遙識
華悅欽齊眉粉榆舊社儼在眼樂只君子歌聲詩語不
能文事惟質祝公壽世無窮期公名自足壽千載豈獨
黃髮稱期頤

和韻

雀羅門巷久相諳乍喜秋光近可探南畝綠雲收欲淨
西風黃菊戰初酣開樽客笑山當戶落帽人嘲髮滿簪
忽憶江鄉好時節灣名六六徑三三

題王觀亭丙舍圖

水光山色不勝悲三尺牛眠繫夢思含淚看圖難覓句

而今我亦一孤兒

墓門松檜手親栽曾此麻衣負土來喜見孫枝先發秀
排雲爭仰棟梁材

捕蝗行

捕蝗先須捕蝻子出土成團黑於蟻清晨露下尤分明
蠕蠕欲動從茲起稍至跳躍名搭鞍散走十步五步間
是當下風掘長塹勢同卻月微彎環廣場四面人夫集
三面驅之勿太急漸行漸進分數層呼聲殷地圍方密
須臾盡逼入塹中實之以土加杵春還防健者或逸出
外聞遠微煩兒童大抵捕蝗應及早奮飛之後難施巧

飛蛾赴燄蠹蟲同末著唯餘火攻好今年入夏天久晴
河邊魚子化未成更兼蒲深葦草盛往往此物時萌生
聖人勤民默致禱北至

大祀昭

精誠甘雨忽沛遠近足簷溜直注如盆傾農夫額慶迎
馬首告言一尺堪深耕豆穀應候齊下種高粱蓬勃長
有聲嘉禾益覺當愛護蟊賊何得仍交橫除惡務盡古
有訓我共長吏宜關情

勘河至蔡村興善寺題

爰諮爰度載馳驅岸轉川廻路鬱紆畢竟於民何所補

頰眉慙對爾輿夫

趙北燕南西復東敢云老去息微躬村翁力作勞於我
荷鋤攜鋤赤日中

偶逢僧寺愴幽偏勝處還憑妙手傳我竟安身圖畫裏
虛堂呼枕一宵眠

襄文達公詩集卷之十一終

裴文達公詩集卷之十二

奉

命偕內務府總管瓦爾達使

盛京九月二十六日啓行作

遙邇秋原曉據鞍晴光廻望

五雲端所慚卽景無新句預喜登程得大觀東陌西阡
歲豐美左山右海氣高寒瀋遼本是

畱都地莫作尋常關塞看

澄海樓

連山赴溟渤高樓出其隈同人有成諾繫馬升層階東

方羲車上燭煜朝霞開

御題書在壁

乾隆八年十九年
於樓祖陵廻

碑至此

聖駕兩謁

御製詩篇皆書

榮光相徘徊是時秋氣霽一鏡如新揩沈寥鴻雁

過寂寞蛟螭廻濤聲不作波萬里流灌灌天末見豪髮

估舶森高桅大海亦宇內不限人往來舊禁一以弛前

食流通人皆感激稱便上諭特開海禁俾民貿遷無嫌猜太平本有象對

此舒心懷軒楹俯浩蕩夙抱茲獲諧回首贏秦氏痴絕

聖所咍題壁御製有御笑祖龍癡之句神仙在人世如何尋蓬萊

山海關

我

朝定鼎初事與曩代異明祚旣以移流賊竟猖肆舉國
徒狺狺何人正神器

天兵從東來倒海排山勢一埽氣祲空櫬槍歛焉逝爲彼
明除兇爲天下吐氣出民水火中且以申大義

天與而人歸

大位安所避曠覽史冊間冠古實無二字內得

眞主自此有寧歲俯仰百卅年累洽重熙際芸生何林林

食

德凡幾世輶車經巖關詢知戰時地仰維

巍巍功奮筆謹書事

至

盛京有述

開國規模迥不同經營寧數漢新豐義追二典三謨上地
越東瀍西澗中

車駕兩番

臨舊宅

詩篇幾處詠遺風

帝鄉事事關

宸念本計先

咨稼穡功

天柱山瞻叩

福陵恭頌

天東雲起出

真人如日初升夜嚮晨盡翦狉狉收俊傑頓開沕穆煥

經綸堂堂正正

興王會鬱鬱蕙蕙望氣辰百五十年思

往烈

高山天作巖嶙峋

降葉山瞻叩

昭陵恭頌

海邦振旅

義聲揚

既破朝鮮獲其王
李倧仍釋令歸國

松杏山存舊戰場

破明兵十三萬擒洪承疇

當日

龍髯餘想像至今石馬

大白小白儼騰驤入關早已無幽薦得

統貞堪陋漢唐

聖

聖相承

垂裕遠萬年於此肇靈長

至

興京

啓運山瞻叩

永陵恭頌

鴻基駿業追

前緒

尊號

崇稱晉

闕宮地指博桑來王氣雲連大漠敞雄風四郊不著艱難
蹟繼世旋酬

締造衷畢竟萬方歸

有道小臣稽首向

蒼穹

自

興京廻至薩爾滸

此地

天教啓

帝京巍然形勝壓寰瀛豈關末季無良將

明季四路出師號四十七萬杜

松劉綽皆一時之選我兵殲杜松於鐵背山劉綽進至

阿布達里岡亦戰沒焉

天威所震無不摧破者

早識

皇穹厭有明二水

渾河蘇子河

環轉綠作帶四山壁立屹爲城

干戈息後時平久今日書生款段行

夜雪
十月二十六日錄

薄暮天欲雪蕭蕭寒有聲飛空乍搖漾到眼俄縱橫入夜已三寸問人知四更明晨塵路淨山好馬蹄輕

次日晴

開原

夜雪忽已霽河冰猶未堅初陽上霄漢佳氣滿山川客路短長站人家朝暮烟時時舒遠眺得句一欣然

大雪

十月三十日承德道中

容易又成雪川原高下過連雲陰汗漫似雨勢滂沱黃屋勤民切蒼生愛賜多猶思

三輔內

甘澤近如何

題陳一章雪景

陳生弄筆作墨戲落紙烟雲有生氣遙天嘹唳孤鶴飛
六出奇葩舞空際關山得得偕我來凌兢瘦馬衣氇毳
衝寒不減山水興涉遠益曠丹青懷畫成付與雪色壁
起視天宇同皚皚

遼陽州

襄平遺壘此初經一水依然走百靈劫火銷餘千頃滌
戰塵飛盡四山青

舊京尙識

龍興地

我東五里許別築新城卽東京也

太祖高皇帝於遼陽城

仙蹟難尋鶴化

形極目海天縹緲外寒雲漠漠雪冥冥

千山

好景無過水與山山山出地猶人間茲山夙聞在天上
覲面何肯辭躋攀歇馬步入祖樾寺羅漢古洞相連延
探幽縋險下復上獅口一線光初穿最高云是臥象脊
縷縷細路愁猱猿微茫眼底覩遠水島嶼鬢鬚撐如拳
樵人拾級更先導嵌空舊刹臨龍泉挂天一瀑噴白玉
照海千朵開青蓮山僧睢盱揖容坐稜稜瘦骨疑癯仙

爲言山中五大寺大安中會棲東偏中有仙臺冠諸勝
香巖路杳埋雲烟石梁架壑凡數折況又冰雪迷孱顏
我言斯遊已過望未敢恣意稽輶軒偶因春

使獲邂逅復有同志來聯翩各以所見詫奇絕強欲舉
似難爲詮我嘗恭讀

御製句

天情往往超塵寰前云華泰應齊峻

乾隆八年癸亥後謂且付
枯僧閒

年甲戌

乾隆十九

鑾輿兩幸未果至幾經

念結形詩篇

亦甲戌年

念結龍泉祖撝問

御製句山兮會當邀

玉趾我亦扈

蹕期他年卽今

宸章照天壤名山已藉

詩俱傳山靈聞言似憇意松濤響答聲翛然寒風日晚
吹我前徐徐理轡廻吟鞭尚餘一事懷抱牽東擬奮飛
無羽翰從來可望不可卽巍巍長白萬古高於天

至海城蓋平復州寧海諸城邑用告居人兼示長

吏

迢遞岡巒到海瀛當年戰地盡春耕貨通閩粵舟航遠
壤接營青賦稅輕爾輩豈知蒙

帝力諸君何以答昇平

二語集杜

爰謨爰度皇華職行遍

畱都十四城

寧海值大雪十一月十六日

徹曉雪排空金州四望同夜長風逞力寒重火鳴功海氣
蒼茫外嵐光颺鼈中賞奇非我意爲是兆年豐

牛莊城

分旗屯虎旅列肆指牛莊煮海鹽除課

本朝定制盛京所屬並無

鹽課之徵燒山地墾荒居人雜齊晉生計判農商長吏勤相

問淳風不可忘

自蓋平廻至遼陽大雪連日未止十一月念七日

銀海茫茫又一時車聲咿軋馬行遲向來退食園鑪賞
世上奇寒未果知

醫巫閣

式瞻醫巫閣仰讀

御題句

石刻贊觀亭之右

百靈紛來朝五丁自呵護

赤文綠字高莫攀宇宙不虛生此山前日讀

詩山未見今日讀

詩識真而松風浩浩仙境開烟霞入律珠璣排倚天拔

地卓

天筆俯視下界披

襟懷初狹塵凡限中宏造化胚

御製句

何人摹寫克到

此

層霄落語驚九垓橫峰側嶺羅嬰孩左顧東海水一盃

二詩題處青崔嵬

北鎮廟恭題

御筆寫松

覽秀亭
勒石

尺幅有遠勢之而攀攫奇風雲不改色此是萬年枝

讀

御製盛京賦恭跋

庚午

一賦典章存

冊府昭垂萬祀尊不比詞臣束觀筆導揚

先澤有

神孫

地闢天開啓

聖時靈鍾長白事多奇鯤生管見何從測試誦生民清廟
詩

絡海包山盡大東指搆方夏劃鴻濛風雲助力

天垂象

寫入淋漓墨瀋中

裴文達公詩集

卷之十二

九

萬世丕基有自來不忘耕戰

帝圖恢就中仁義堪爲守

拒符瑞之難諾信仁義之堪守

御製中語也

前聖心傳片語該

仰識

幾餘下筆親土風原是數家珍禽魚草木

恩暉及物物都歸

大造春

藉甚三都與兩京鋪張綺繡戛瑤瑛須知

雲漢爲章處不向行間字裏爭

研練曾閑費十年請看

天筆似飛仙扶輿灑氣同磅礴倒詞源萬斛泉

翠華兩度上

陵還未得追趨

豹尾間不是此番身奉

使一生虛愧點清班

前於錦州途次聞

京師十一月十四十五廿四廿五諸日連得透雪入關

後見一路積素鋪雲尚厚尺許土人咸謂來歲

又占大稔詩以誌喜

瑞雪呈三白

邦畿遠近均家書前有寄歲景到尤良物色迎長至風光透早春田間熙皞意特以達

楓宸

裴文達公詩集卷之十二

先文達公德望政事爲士大夫所宗仰文章詩賦爲詞林所贍炙生平著作甚富惟行簡生時文達公已官侍郎久直

內廷長兄次兄相繼早世行簡年既幼穉性復頑劣未讀父書不能早爲薈萃以致多所散佚蓋文達公凡有著作輒為門下士年家子所傳寫輾轉流播家中轉無底稿即如恭祝

孝聖憲皇后八旬萬萬壽賀冊及香山紀游蒙高宗純皇帝俯賜用韻詩皆行簡稍有知識時見

文達公退直後於燈下誤著者今竟莫得副本其餘恭和進

呈之件多從館閣刻本鈔出而庚午浙江鄉試前序則劉誠圃方伯於杭城舊家覓本鈔寄又如丁知典試湖北途次所作詩章及庚午浙江省闈中與舒公雲亭唱和詩則未見隻字此外無憑查訪者更不知凡幾行簡於乾隆甲午乙未年檢家中書簏得賦頌各作草稿四十餘篇詩六百餘首敬謹寫出嗣官京師時復於故舊世好家留心收輯隨得隨寫曾

令七弟行恕恭校茲復于里中遍為訪詢借
本鈔謄綜前後所集共得賦頌各作七十九
篇編為六卷恭和

御製詩三百六十二首編為六卷古今體詩六百六
十首編為十二卷率同大姪元復二姪元淦
兒子元善元俊元遜詳慎校對復有堂姪成
臨姪孫銓外孫馮潤襄事其間仍經進士桐
城張公愛濤孝廉新建朱公砥坪太守安義
熊建亭先生覆加校閱敬付剞劂積二十餘
載之收羅僅存十之五六行簡不肖不學之

罪其奚以辭旨維

嘉慶七年壬戌冬月男行簡謹識孫元善謹書

士不獲與名世大賢生同時得以追陪其後瞻其丰采聆其言論則思求其遺集而讀之綜其始末窺其醞釀因以想見其為人嘗敬讀先文端公聰訓齋語有云予怪世人於古人詩文集不知珍愛而寶其片紙隻字為大惑誠以筆墨之蹟特一時興趣之所寄而詩文之全則畢生精神之所留也新建棗文達公勲業德望煥炳海內其著作尤鴻富顧多散佚不存當公捐館時可亭先生甫弱冠惴惴焉懼先業之斷而弗傳也因敬檢舊稿並訪羅其散見於各處者積二十餘年乃得其什之五六茲以讀禮家居朝

夕編輯釐為若干卷亟付剞劂聰賢忝預校讐快茲
先覩每讀一卷竟輒為心曠而神怡蓋舉文達公
生平性情之厚遇合之隆學問之淹貫經濟之宏遠
胥於是乎見之是誠足以黼黻

皇猷楷模來學其與片紙隻字第為一時興趣所寄
者可寶為何如耶時嘉慶壬戌長至月姻世後學桐
城張聰賢百拜謹跋并書